

Aotelega O Pepa Faamaonia Tau Inisiua –

Puipuiga Pepa Faamaonia Tau Inisiua O Le Kanesa (Cancer Indemnity Policy)

O faaupuga “matou” ma le “tatou” o ta’ua i le Pepa Faamaonia Tau Inisiua lenei, e faasino lea i le *American Income Life Insurance Company*, o le kamupani fai inisiua i lalo o le Pepa Faamaonia Tau Inisiua.

O faaupuga “oe” ma le “lau” e faasino i le tagata o ta’ua le suafa o le “Tagata ua Inisiua” i le Faatulagana o Pepa Faamaonia Tau Inisiua.

E saunia e le Pepa Faamaonia Tau Inisiua faamanuiaga mo le Tagata o Aofia o togafitia mo le Kanesa

E saunia e le Inisiua faamanuiaga mo le Tagata o Aofia o togafitia mo le Kanesa i le falemai po o gasegase tau sāvali.

Matou te totogia se faamanuiaga talafeagai pe afai na faamaonia le Kanesa ina ua mavae le 30 aso talu ona faamamaluina le Pepa Faamaonia Tau Inisiua.

A mavae uluai aso e 30, matou te totogia se faamanuiaga talafeagai pe afai o togafitia le Tagata o Aofia i le inisiua i le Kanesa i le taimi o faamamaluina ai le Pepa Faamaonia Tau Inisiua. O le uiga o le upu “faamamaluina/in force” e leai se taimi ua taofia ai le inisiua o fai.

Matou te ta’ua oe ma tagata ua inisiua taitoatasi o lou aiga o “Tagata o Aofia/Covered Person”.

E iai lau aiatatau e faalēaogāina ai le Pepa Faamaonia Tau Inisiua i totonu o aso faigaluega e 10

Afai e te manao e faalēaogāina le Pepa Faamaonia Tau Inisiua i totonu o aso faigaluega e 10 na matou tuuina atu ai ia te oe le pepa faamaonia tau inisiua, o lona uiga e tutusa lava le tulaga o le a iai oe ma i matou i lona tulaga peiseai e leai ma se pepa faamaonia tau inisiua na tuuina atu. Afai o se tulaga lea, matou te toe totogi atu so o se tupe faasaofaga totogi faavaitaimi na e totogia.

**O le auga faavae o
le Aotelega o le Pepa
Faamaonia Tau Inisiua
lenei o le faamalamalama
o nisi o itu tāua o le Pepa
Faamaonia Tau Inisiua.**

O le Aotelega o Pepa
Faamaonia Tau Inisiua o se
otootoga aoao ma e lē o se
vaega o le konekarate i le va
o oe ma i matou.

**FAAMOLEMOLE FAITAU
LELEI LE PEPA FAAMAONIA
TAU INISIUA I LE TAIMI LAVA
E TE MAUA AI.**

O lo o maua faamatalaga
atoa ma tulaga ua faatapulaa
i le Pepa Faamaonia Tau
Inisiua.



E mafai ona inisiua lou aiga i lalo o le Pepa Faamaonia Tau Inisiua

Matou te ono teena le totogi o faamanuiaga pe afai na e faailoa mai ia i matou se mea na sese i lau talosaga na fai

E mafai ona e faalēaogāina le Pepa Faamaonia Tau Inisiua pe a e logoina mai:

- i matou, i fesootaiga o ta'ua i luga; po o le
- faufautua a leAIL i Niu Sila na faatauina atu ia te oe le pepa faamaonia tau inisiua.

Afai e te faalēaogāina le Pepa Faamaonia Tau Inisiua pe a mavae aso faigaluega e 10 na tuuina atu ai le pepa faamaonia tau inisiua, o lona uiga matou te lē toe totogia atu tupe faasaofaga totogi faavaitaimi na e totogia.

O i latou nei o lou aiga e mafai ona inisiua:

- lou toalua, toalua e tutusa itupa po o se toalua faapouliuli;
- o lau fanau e lei atoa le 19 tausaga le matutua na faamauina igoa i le aso na saini ai le Pepa Faamaonia Tau Inisiua ma e lei faaipoipo, e fai aiga ma se tasi e tutusa itupa po o se ulugalii faapouliuli, ma e ola faalagolago ia te oe.

O tagata taitoatasi uma lava, e tatau ona ta'ua igoa i le pepa talosaga pe faaopopo igoa i le Pepa Faamaonia Tau Inisiua pe a mavae le taimi na tauaaoina atu i ai, ma o tulaga nei e mafai ai ona inisiua ma i latou. O inisiua mo isi tagata e faalagolago ia te oe le tausiga e noatia lea i la matou faamaoniga.

O lo o aofia i le Pepa Faamaonia Tau Inisiua faamatalaga auiliili o aiaiga i le taimi e faagata ai se inisiua mo sui o aiga i lalo o le Pepa Faamaonia Tau Inisiua. O nei aiaiga e aofia ai mo se faataitaiga, o le mea e tupu pe a aulia le 21 tausaga o le matutua o lau fanau.

Afai e te faailoa mai ia i matou se mea na sese o lau talosaga na fai mo se Pepa Faamaonia Tau Inisiua (po o ni faamatalaga e lei aofia), o lona uiga o le uluai lua tausaga na faia ai lau inisiua matou te ono (tulaga e faatagaina e le tulafono):

- faalēaogāina le Pepa Faamaonia Tau Inisiua; ma
- teena le totogi o ni tupe na e talosaga e totogi atu.

A mavae le lua tausaga nei, o lona uiga matou te lē faalēaogāina le Pepa Faamaonia Tau Inisiua pe teena le totogi o ni tupe na e talosaga e totogi atu pe afai na e faailoa mai ia matou se mea ua sese i lau talosaga (po o se mea e lei aofia ai). O tulaga nei o le a iai se'i vagana ua e faia i se tulaga taufaasese.



E eseese ituaiga faamanuiaga matou te totogia

E ono faaopoopo faamanuiaga i le Pepa Faamaonia Tau Inisiua

Hospital Confinement Benefit

Matou te totogia le hospital confinement benefit pe afai ua faataotolia i le falemai le Tagata o Aofia mo togafitiga o le Kanesa. Na o aso na faataotolia ai i le falemai matou te totogia i le taimi o faamamaluina ai le Pepa Faamaonia Tau Inisiua.

O le aofaiga matou te totogia mo aso taitasi na nofo ai le Tagata o Aofia i le falemai o lo o faatulaga i le Faatulagana o le Pepa Faamaonia Tau Inisiua. O le maualuga faatapulaaina o le numera o aso matou te totogia i le olaga atoa e 500 aso i se faiga tuufaatasia.

Outpatient Benefit

Matou te totogia le outpatient benefit mo aso taitasi na tuuina atu ai togafitiga maoti i le Tagata o Aofia (faatulagaina i le Pepa Faamaonia Tau Inisiua) mo le Kanesa o se tasi o gasegase tau sāvai e vaai le Fomai, clinic, falemai, po o pasi faapitoa mo taotoga. Faatoa matou totogia se faamanuiaga pe afai na togafitia sa'o le gasegase tau sāvai mo le kanesa e le fomai a le Tagata o Aofia po o tagata faigaluega a le soifua maloloina o faia tausiga i le vaaiga tuusa'o a le fomai.

O lo o faatulagaina i totonu o le Faatulagana o Pepa Faamaonia Tau Inisiua le aofaiga matou te totogi atu mo aso taitasi. O le maualuga faatapulaaina o le numera o aso matou te totogia i le olaga atoa e 500 aso i se faiga tuufaatasia.

Matou te lē totogia le outpatient benefit mo so o se aso na tuuina atu ai i le Tagata o Aofia le Hospital Confinement Benefit.

E ono faaopoopo faamanuiaga i le Pepa Faamaonia Tau Inisiua mo se fua faataata o tupe totogi faaopoopo.

O faamanuiaga faaopoopo nei:

- se aofaiga atoa o le tupe totogi i le taimi e tasi i le uluai faamaonia ai o le Tagata o Aofia i le Kanesa (e ese mai kanesa o le pa'u o le tino); ma
- se aofaiga atoa o le tupe totogi i le taimi e tasi i le uluai faamaonia ai o le Tagata o Aofia i le kanesa o le pa'u o le tino.

E agavaa Tagata o Aofia taitasi mo le faamanuiaga e tasi mo le Kanesa (e ese mai le kanesa o le pa'u o le tino) ma le tasi faamanuiaga o le kanesa o le pa'u o le tino.

O le a faatulagaina faamanuiaga faaopoopo i le faamaumauga e ta'ua o le "Cancer Detection Benefit Policy Add-on."

O le a avea le Cancer Detection Benefit Policy Add-on ma vaega o le Pepa Faamaonia Tau Inisiua ma e tataua ona faitau faatasi ma le Pepa Faamaonia Tau Inisiua lena. Se'i vagana ua ese se isi tulaga o ta'ua i le Policy Add-on, e lē suia ai le Pepa Faamaonia Tau Inisiua.



E iai tulaga patino matou te lē totogia ai se faamanuiaga

E lē totogia faamanuiaga mo so o se togafitiga mo le Kanesa ua silia ma le 90 aso na faia ai a o lei faamaonia i suesuega faapitoa se gasegase.

E tatau ona faavae le faamaonia o suesuega faapitoa o le Kanesa i suesuega e faia i mea vaai faapitoa o aano po o vai o le tino. Na o le fomai faapitoa e ta'ua o le pathologist na matou faamaonia e mafai ona faia le faamaoniga lea.

Matou te taliaina se faamaoniga o se gasegase i āuga ua aafia ai pe afai e lē o mafai se faamaoniga i suesuega faapitoa o aano po o vai o le tino.

E tatau ona totogi tupe faasaofaga e totogi faavaitaimi

E tatau ona totogi mai ia matou tupe faasaofaga totogi faavaitaimi mo le faatumauina o le faamamaluina o le Pepa Faamaonia Tau Inisiua. O lo o faatulagaina i totonu o le Faatulagana o Pepa Faamaonia Tau Inisiua le aofaiga o tupe faasaofaga totogi faavaitaimi.

Afai e lei totogia Tupe Faasaofaga Totogi Faavaitaimi i le aso e tatau ona totogi ai, matou te faataga aso e 31 e totogi mai ai tupe faasaofaga.

E otomeki lava le faafouina o le Pepa Faamaonia Tau Inisiua lenei

E faamaonia le toe faafouina o le Pepa Faamaonia Tau Inisiua i le umi o e soifua ai. E faalagolago le tulaga lea i le totogi o tupe faasaofaga totogi faavaitaimi ma le tausisia o au aiaiga i lalo o le Pepa Faamaonia Tau Inisiua. E lē mafai ona matou faalēaogāina lau Pepa Faamaonia Tau Inisiua po o le faaopoopo o so o se faiga e faatapulaa ai, i le taimi atoa o faamamaluina ai le Pepa Faamaonia Tau Inisiua ma o lo o e tausisia tuutuuga i lalo o le Pepa Faamaonia Tau Inisiua.

E iai la matou aiatatau e suia ai le fua faatatau o tupe faasaofaga totogi faavaitaimi ua faafou mo le Pepa Faamaonia Tau Inisiua. O le a faaaogā suiga nei i pepa faamaonia tau inisiua uma i totonu o Niu Sila i le tulaga lava e tasi e pei o le Pepa Faamaonia Tau Inisiua. O le a matou tuuina atu ia te oe se faaaliga e faia ai se suiga i totonu o le 31 aso.

Faiga e mafai ai ona fai se talosaga

E tatau ona e logoina mai i matou (po o se faufautua a le *AIL i Niu Sila*), i se faamatalaga tusitusia, mo se talosaga e fia totogi. E tatau ona tuuina mai lau talosaga i totonu o le 60 aso i le amataga na faia ai le togafitiga o le Kanesa mo le Tagata o Aofia, po o se taimi vave e talafeagai ai pe a mavae le aso faatulagaina lea.

Matou te lafo atu ia te oe pepa e fai ai talosaga e faatumu pe a e logoina mai matou e tusa ma se talosaga o le a faia.

E tatau ona e faatumu pepa talosaga ma toe lafo mai ia i matou (po o le faufautua a le *AIL i Niu Sila*), faatasi ai ma faamatalaga tau soifua maloloina e lagolagoina ai lau talosaga, i totonu o le 90 aso i le faaiuga o le tupe ua pa'ū.

Afai e lē o gafatia ona faatumu ma toe lafo mai pepa talosaga (ma tuuina mai faamatalaga mai le falemai e faamaonia ai) i totonu o le taimi faatapulaaaina, e ono faaopoopo le taimi e mafai ai ona faia lea tulaga (e pei ona faatulagaina i le Pepa Faamaonia Tau Inisiua).

O faamanuiaga e totogi i lalo o le Pepa Faamaonia Tau Inisiua o faamanuiaga matou te totogia atu pe a matou maua faamaoniga tusitusia o tupe ua pa'ū.